

Микрокредит ұсыну туралы шарт (қосылу шарттарында)

Алматы қ.

«Birinshi Lombard (Бірінші Ломбард)» ЖШС-тың (бұдан әрі – «Ломбард») осы микрокредит ұсыну туралы Шарты (қосылу шарттарында) Қазақстан Республикасы Азаматтық кодексінің 389-бабының, «Микроқаржы қызметі туралы» Қазақстан Республикасы Заңының, уәкілетті органның заңға тәуелді актілерінің талаптарына сәйкес әзірленді, азаматтарға (бұдан әрі – «Қарыз алушыларға») жеке пайдалануға арналған жылжымалы мүлікті (бұдан әрі – «Кепіл нысанасы») кепілге қойып микрокредиттер берудің стандартты шарттарын айқындайды және Тараптардың Қосылу туралы өтінішке - Кепіл билетіне қол қою арқылы жасалады.

Кепіл билетіне қол қою осы құжатқа қол қойған адамның **Микрокредит ұсыну туралы шарттың (қосылу шарттарында)** (бұдан әрі – «Шарт») талаптарымен танысқанын және оларды толық көлемде қабылдайтынын білдіреді.

Шарт Ломбардтың www.lombard.kz интернет-ресурсында, сондай-ақ Ломбардтың барлық филиалдарындағы/бөлімшелеріндегі ақпараттық стендтерде орналастырылады.

Осы Шарт, Кепіл билеті және шарт шеңберінде ресімделетін басқа да құжаттар бірыңғай құжат ретінде қаралады.

Осы Шартта пайдаланылатын ұғымдар:

- 1) Ломбард - «Birinshi Lombard (Бірінші Ломбард)» ЖШС, БСН: 19054002093, орналасқан жері: 050009, Алматы қ., Розыбакиев к-сі, 37-үй;
- 2) «Birinshi Lombard (Бірінші Ломбард)» ЖШС микрокредиттер ұсыну қағидалары - Қазақстан Республикасының Азаматтық кодексіне, «Микроқаржы қызметі туралы» Қазақстан Республикасының Заңына сәйкес әзірленді, жеке тұлғаларға микрокредиттер беру, сондай-ақ оларға қызмет көрсету тәртібі мен шарттарын айқындайды.
- 3) Өтініш беруші - Ломбардқа микрокредит алу үшін өтініш берген жеке тұлға;
- 4) Қарыз алушы (Кепілзат беруші) - Ломбардпен микрокредит беру туралы шарт жасасқан жеке тұлға;
- 5) Микрокредит- Қазақстан Республикасының заңнамасында және Ломбардтың кредит беру бағдарламаларында белгіленген мөлшеде және тәртіпте ақылылық, мерзімділік және қайтару шарттарында Қазақстан Республикасының ұлттық валютасында ақы төлеу, мерзімділік және қайтарымдылық шарттарында Ломбард Қарыз алушыға ұсынатын қаражат;
- 6) Микрокредит беру туралы шарт-оған сәйкес Ломбард Қарыз алушыға (кепілзат берушіге) микрокредит беретін шарт;
- 7) Микрокредит бойынша артық төлем сомасы – микрокредит затын қоспағанда, сыйақы, тұрақсыздық төлемі (айыппұл, өсімақы) сомасын қоса алғанда, Қарыз алушының (Кепілзат берушінің) шарт бойынша барлық төлемдерінің сомасы;
- 8) Сыйақы-Ломбардқа тиесілі ақшаның жылдық мөлшері есебінен микрокредит сомасына пайыздық мәнде айқындалған, ұсынылған микрокредит үшін төлемақы;
- 9) Сыйақының мәні - шекті мөлшері уәкілетті органның нормативтік құқықтық актісінде белгіленетін микрокредит үшін төлемақы;
- 10) Уәкілетті орган – Қазақстан Республикасы Қаржы нарығын реттеу және дамыту агенттігі.

1. Шарттың жалпы талаптары:

- 1.1.** Микрокредит беру туралы шарт 18 жастан асқан адаммен ол жеке басын куәландыратын құжатты көрсеткен кезде ақылылық, мерзімділік және қайтарымдылық шарттарымен жасалады;
- 1.2.** Шарттың жасалған күні, Ломбардтың атауы және Қарыз алушының (Кепілзат берушінің) деректері кепіл билетінде көрсетіледі;
- 1.3.** Микрокредитті өтеу сомасы мен мерзімі, сондай-ақ микрокредит бойынша артық төлем сомасы Кепілзат билетімен анықталады. Микрокредит сомасы ұлғаймайды. Негізгі борышты

ішінара өтеген немесе сыйақыны толық/ішінара төлеген кезде микрокредитті өтеу мерзімі ұзартылуы мүмкін;

- 1.4. Микрокредитті пайдаланғаны үшін Қарыз алушы (Кепілзат беруші) сыйақы төлейді. Сыйақы мөлшерлемесінің жылдық пайызбен мөлшері (сомасы елу айлық есептік көрсеткіштен асатын микрокредиттер бойынша) немесе сыйақы мәні (елу айлық есептік көрсеткішке дейінгі сомаға микрокредиттер бойынша), шартты жасасу күніне есептелген жылдық тиімді сыйақы мөлшерлемесінің (ЖТСМ) мөлшері Кепіл билетінде көрсетіледі;
- 1.5. Микрокредитті өтеу тәсілі – біржолғы, қолма-қол ақшамен –Ломбардтың кассасы арқылы не электрондық терминалдар арқылы не қолма-қол ақшасыз тәсілмен Ломбардтың банктік шотына ақша аудару арқылы;
- 1.6. Микрокредитті өтеу әдісі-бір жолғы немесе бөліктермен;
- 1.7. Негізгі борышты уақтылы өтемегені және сыйақыны төлегені үшін тұрақсыздық төлемін (айыппұл мен өсімақы) есепке алу тәртібі және оның мөлшері: негізгі борыш пен сыйақыны төлеу жөніндегі міндеттемелерді орындау мерзімін кешіктіру Кепілдік билетте көзделген мөлшерде және мерзімдерде тұрақсыздық төлемін (айыппұл мен өсімақы) есепке алуға әкеп соғады;
- 1.8. Микрокредитті өтеу кезектілігі; 1) тұрақсыздық төлемі (айыппұл және өсімақы), 2) микрокредитті пайдаланғаны үшін сыйақы; 3) негізгі борыш сомасы;
- 1.9. Қарыз алушының (Кепілзат берушінің) Шарт бойынша міндеттемелерді орындауын қамтамасыз ету (Кепіл нысанасы): микрокредит жеке пайдалануға арналған жылжымалы мүлік кепілімен беріледі;
- 1.10. Қарыз алушы (Кепілзат беруші) Шарт бойынша міндеттемелерін орындамаған және тиісінше орындамаған кезде Ломбард қабылдайтын шаралар: Ломбард микрокредитті өтеу мерзімі кешіктірілген сәттен бастап бір айдан кейін сауда-саттықсыз кепіл затын сатуға не кепіл затын соттан тыс өткізуге/кепіл затын меншікке айналдыруға құқылы.
- 1.11. Шарттың қолданылу мерзімі Кепіл билетімен айқындалады және микрокредитті пайдаланғаны үшін сыйақыны толық көлемде уақтылы төлеген жағдайда ұзартылуы мүмкін.
- 1.12. Қарыз алушы Ломбардтың Шарт талаптарын өзгертуден бас тарту туралы шешімін алған күннен бастап күнтізбелік 15 күннің ішінде немесе Шарт талаптарын өзгерту туралы өзара қолайлы шешімге қол жеткізілмеген кезде Ломбардты бір мезгілде хабардар ете отырып, уәкілетті органға жүгінуге құқылы.
- 1.13. Ломбард осы Шарт бойынша құқықты (талап етуді) үшінші тұлғаға берген кезде осы Шарт шеңберінде Ломбардтың Қарыз алушымен өзара қатынастарына қойылатын талаптар мен шектеулер Қарыз алушының құқық (талап ету) берілген үшінші тұлғамен құқықтық қатынастарына қолданылады.
- 1.14. Микрокредит нысанасын қоспағанда, Шартта көзделген сыйақы мен тұрақсыздық айыбының (айыппұлдың, өсімпұлдың) сомасын қоса алғанда, Шарт бойынша Заемшының барлық төлемдері жиынтығында Шарт қолданылатын бүкіл кезең үшін берілген микрокредит сомасының жартысынан аспауға тиіс.

2. Шарт бойынша міндеттемелерді бұзғаны үшін жауапкершілік:

- 2.1. Микрокредитті уақтылы өтемегені және сыйақыны төлегені үшін Ломбард есептейді, ал Қарыз алушы (Кепілзат беруші) Кепіл билетінде көзделген мөлшерде өсімақы (мерзімін кешіктіргені үшін пайыз) төлейді;
- 2.2. Ломбард Кепіл затының жоғалғаны/бүлінгені үшін - оның бағалау құны мөлшерінде, ал бүлінгені үшін, егер жоғалу немесе бүліну еңсерілмейтін күштің салдарынан болғанын дәлелдей алмаса, кепіл затын бағалау сомасына қарамастан, осы құн төмендеген сома мөлшерінде жауапты болады;

3. Қарыз алушының құқықтары:

3.1. Қарыз алушы (Кепілзат беруші) құқылы:

- 1) Микрокредиттер беру қағидаларымен, сондай-ақ Ломбардтың тарифтеріме филиалдарда/бөлімшелерде не Ломбардтың интернет-ресурсында танысуға;
- 2) алған микрокредитке өз қалауы бойынша билік етуге;
- 3) тұрақсыздық төлемін (айыппұлды, өсімақыны) төлемей, Ломбардқа микрокредит сомасын мерзімінен бұрын толық немесе ішінара қайтаруға;
- 4) Егер микрокредитті және (немесе) сыйақыны өтеу күні демалыс не мереке күніне түссе, онда тұрақсыздық төлемін (айыппұлды, өсімақыны) төлемей, одан кейінгі жұмыс күні оларға ақы төлеуді жүргізуге;
- 5) Ломбардқа шарт бойынша берілген микрокредит сомасын тұрақсыздық төлемін (айыппұлды, өсімақыны) төлемей мерзімінен бұрын толық немесе ішінара қайтаруға;
- 6) Шарт бойынша міндеттемені орындау мерзімін кешіктірген күннен бастап күнтізбелік 30 күннің ішінде Шарт бойынша міндеттемені орындау мерзімін кешіктірудің туындау себептері, табыстар және басқа да расталған мән-жайлар (фактілер) туралы мәліметтерді қамтитын және Шарт талаптарына өзгерістер енгізу, оның ішінде төмендегілермен байланысты өзгертулер енгізу туралы жазбаша өтінішпен Ломбардқа жүгінуге:
 - сыйақы мөлшерлемесін не Шарт бойынша сыйақы мәнін азайту жағына қарай өзгертумен;
 - негізгі борыш және (немесе) сыйақы бойынша төлемді кейінге қалдырумен
 - берешекті өтеу әдісін немесе берешекті өтеу кезектілігін, оның ішінде негізгі борышты басым тәртіппен өтей отырып өзгертумен;
 - микрокредит мерзімін өзгертумен;
 - мерзімі кешіктірілген негізгі борышты және (немесе) сыйақыны кешіре отырып, микрокредит бойынша өсімақыны (мерзімін кешіктіргені үшін пайызды) алып тастаумен;
 - Ломбардқа кепілге салынған мүлікті беру жолымен Шарт бойынша міндеттемені орындаудың орнына шегініс ақысын берумен.
- 7) алынатын қызметтер бойынша даулы жағдайлар туындаған кезде Ломбардқа жазбаша жүгінуге құқылы.

3.2. Қарыз алушы (Кепілзат беруші) міндеттенеді:

- 1) Алынған микрокредитті қайтаруға және ол бойынша Кепіл билетінде белгіленген мерзімде және тәртіппен сыйақы төлеуге;
- 2) Ломбардқа шарт жасасу үшін қажетті құжаттар мен мәліметтерді ұсынуға;
- 3) Қазақстан Республикасының заңнамасында, ломбардтың микрокредиттер беру қағидаларында белгіленген өзге де талаптарды орындауға.

4. Ломбард құқықтары, міндеттері және оған белгілеген шектеулер

4.1. Ломбард құқылы:

- 1) микрокредит беру туралы шарт бойынша құқықты (талапты) үшінші тұлғаларға беру;
- 2) Қарыз алушыдан (Кепілзат берушіден) шарт жасасу үшін қажетті құжаттар мен мәліметтерді сұратуға құқылы;
- 3) Шарттың талаптарын Қарыз алушы (Кепілзат беруші) үшін оларды жақсарту жағына қарай біржақты тәртіппен өзгертуге;
- 4) микрокредитті өтеу мерзімі өткеннен кейін бір айдан кейін сауда-саттық өткізбестен Кепіл затын өткізуге не аукциондық сауда-саттық өткізу арқылы кепіл затын соттан тыс тәртіппен өткізуге.
- 5) негізгі борышты, сыйақыны және өсімақыны (мерзімін кешіктіргені үшін пайызды) қоса алғанда, Қарыз алушының өтінішін қарау нәтижелері бойынша берешекті реттеу жөніндегі келісімге қол жеткізілмеген және Қарыз алушы берешек бойынша қарсылықтарды ұсынбаған жағдайда, Қарыз алушының келісімін алмай, нотариустың атқарушылық жазбасы негізінде берешекті өндіріп алуға.

4.2. Ломбард міндеттенеді:

1) Шарт бойынша Ломбард құқығының (талап ету) үшінші тұлғаға өту талаптары қамтылған Шартты (бұдан әрі- Талап ету құқығын басқаға беру шарты) жасасу кезінде Қарыз алушыны (өкілді) хабардар етуге:

- талап ету құқығын басқаға беру шарты жасалғанға дейін құқықтардың (талаптардың) үшінші тұлғаға өту мүмкіндігі туралы, сондай-ақ осындай басқаға беруге байланысты Қарыз алушының дербес деректерін шартта көзделген не Қазақстан Республикасының заңнамасына қайшы келмейтін тәсілмен өңдеу туралы;
- шартта көзделген не Қазақстан Республикасының заңнамасына қайшы келмейтін тәсілмен үшінші тұлғаға құқықтың (талап етудің) ауысуы туралы, талап ету құқығын басқаға беру шарты жасалған күннен бастап күнтізбелік 30 күннің ішінде үшінші тұлғаға микрокредитті өтеу бойынша одан арғы төлемдердің тағайындалуын (шарт бойынша құқық (талап ету) өткен тұлғаның атауы және орналасқан жері), берілген құқықтардың (талаптардың) толық көлемін, сондай-ақ негізгі борыштың, сыйақының, өсімақының (мерзімін кешіктіргені үшін пайыздың) мерзімі кешіктірілген және ағымдағы сомаларының қалдықтарын және төленуге жататын басқа да сомаларды көрсете отырып;

2) Қарыз алушыны Шартта көзделген тәсілмен және мерзімде, бірақ мерзімі кешіктірілген күннен бастап 20 күнтізбелік күннен кешіктірмей хабардар етуге:

- Шарт бойынша міндеттемені орындау бойынша мерзімін кешіктірудің туындауы және хабарламада көрсетілген күні мерзімі кешіктірілген берешектің мөлшерін көрсете отырып, төлемдер енгізу қажеттігі туралы;
- Шарт бойынша Қарыз алушының Ломбардқа жүгіну құқығы туралы;
- Қарыз алушының Шарт бойынша өз міндеттемелерін орындамау салдары туралы.

Хабарлама, егер ол қарыз алушыға мынадай тәсілдердің бірімен жіберілсе, жеткізілген болып есептеледі:

- Шартта көрсетілген электрондық пошта мекенжайына;
- Шартта көрсетілген тұрғылықты жері бойынша, оның табыс етілгені туралы хабарламасы бар тапсырыс хатпен, оның ішінде көрсетілген мекенжайда тұратын отбасының кәмелетке толған мүшелерінің бірі алса;
- жеткізуді тіркеуді қамтамасыз ететін осы Шартта көзделген өзге де байланыс құралдарын пайдалана отырып.

3) Қарыз алушының өтінішін алған күннен кейін 15 күнтізбелік күн ішінде Шарттың талаптарына ұсынылған өзгерістерді қарау және Қарыз алушыға жазбаша нысанда (мыналар туралы хабарлауға:

- Шарт талаптарына ұсынылған өзгерістермен келісу туралы;
- берешекті реттеу жөніндегі өз ұсыныстары туралы;
- бас тарту себептерінің дәлелді негіздемесін көрсете отырып, Шарт талаптарын өзгертуден бас тарту туралы;

4) Ломбард жақсарту талаптарын қолданған кезде Шарт талаптарының өзгергені туралы Қарыз алушыны хабардар етуге.

5) Шартқа Тараптар қол қойған микрокредитті өтеу кестесі қоса беруге.

Қарыз алушының ақшалай міндеттемелері сомасының (мөлшерінің) және (немесе) оларды төлеу мерзімінің өзгеруіне әкеп соғатын микрокредит талаптары өзгерген кезде Ломбард жаңа шарттарды ескере отырып, Қарыз алушыға микрокредитті өтеудің жаңа кестесін жасайды және береді.

4.3. Ломбард құқылы емес:

- 1) сыйақы мөлшерлемесін (оны төмендету жағдайларын қоспағанда) және (немесе) микрокредитті өтеу тәсілі мен әдісін біржақты тәртіппен өзгертуге;
- 2) Қарыз алушыдан (Кепілзат берушіден) микрокредит бойынша сыйақы мен тұрақсыздық айыбын (айыппұлды, өсімақы) қоспағанда, кез келген төлемдерді белгілеуге және алуға;

- 3) Қарыз алушыдан (Кепілзат берушіден) микрокредитті мерзімінен бұрын қайтарғаны үшін тұрақсыздық төлемін (айыппұл, өсімақы) және басқа да төлемдерді талап етуге құқылы;
- 4) Егер микрокредитті және (немесе) сыйақыны өтеу күні демалыс не мереке күніне түскен жағдайда, тұрақсыздық төлемін (айыппұлды, өсімақыны) өндіріп алуға және оларды төлеу одан кейінгі жұмыс күні жүргізіледі;
- 5) кез келген валюталық баламасына байланыстыра отырып, теңгемен берілген микрокредит бойынша міндеттемелер мен төлемдерді индекстеуді жүргізуге;
- 6) Кепіл нысанасын пайдалануға және оған билік етуге;

5. Шарттың басқа талаптары

- 5.1.** Қосылу туралы өтінішке –Кепіл билетіне қол қою арқылы Қарыз алушы (Кепілзат беруші) төмендегілерге өз келісімін береді:
- 1) қағаз және электрондық жеткізгіштердегі өз дербес деректерін жинауға, сақтауға және өңдеуге;
 - 2) ол туралы ақпаратты кредиттік бюроға және ішкі істер органдарына ақпарат беруге, сондай-ақ кредиттік есепті кредиттік есеп алушысына және ішкі істер органдарына беруге;
 - 3) Ломбардтың жеке кабинетінде (сайтта, мобильді қосымшада), смс-хабарламалар, WhatsApp-хабарламалар арқылы Ломбардтан кез келген хабарламаларды алуға және оларды Қарыз алушыны (Кепілзат берушіні) тиісті түрде хабардар ету ретінде қабылдайды;
 - 4) Ломбардтың кепіл затын соттан тыс мәжбүрлеп өткізуіне.
 - 5) Келесі жағдайларда Кепіл затын атаулы сақтау түбіртегі бойынша сақтауға беруге және сақтау үшін сыйақы төлеуге:
 - ✓ Кепіл билетінде көзделген мерзімде шарт бойынша міндеттемелерді орындау мүмкін болмаған кезде;
 - ✓ микрокредит сомасын толық қайтару және Кепілдік билетінде қарастырылған мерзімде кепіл затын кері алудың мүмкін еместігі. Ломбардтың талап етілмеген кепіл затын сақтау мерзімі сақтауға берілген сәттен бастап 6 (алты) ай.
- 5.2.** Ломбард микрокредиттер беру құпиясына кепілдік береді. Қарыз алушының (Кепілзат берушінің) дербес деректері, микрокредит сомасы мен мерзімдері және кепіл нысанасы туралы барлық ақпарат құпия болып табылады және Қазақстан Республикасының заңнамасында тікелей көзделген жағдайларды қоспағанда, үшінші тұлғаларға кез келген нысанда ашуға жатпайды.
- 5.3.** Қарыз алушы (Кепілзат беруші) Кепіл билетіне (қосылу туралы өтініш) қол қоя отырып, осы Шартта қамтылған талаптармен келіседі.
- 5.4.** Тараптардың келісімі бойынша қолданыстағы немесе жақсарту талаптарына микрокредит беру туралы шарттың қолданылу мерзімі ұзартылуы мүмкін.
- 5.5.** Микрокредит беру туралы шарт бойынша міндеттемелерді орындау мерзімі өткен жағдайда Заемшының (кепіл берушінің) өтініші бойынша Ломбард ұсынған жақсарту талаптармен микрокредит беру туралы шарттың қолданылу мерзімін ұлғайту арқылы міндетті түрде төлемді кейінге қалдыру жүргізіледі. Бұл ретте микрокредит беру туралы шарттың қолданылу мерзімін ұлғайту жүзеге асырылатын жалпы мерзім күнтізбелік қырық бес күннен аспауға тиіс.
- 5.6.** Шарт тараптардың Шартта және Кепіл билетінде көзделген міндеттемелерді орындауына байланысты не кепіл нысанасын өткізуге байланысты өз қолданысын тоқтатады.

6. Тараптардың деректемелері

Қарыз беруші: Атауы: «Birinshi Lombard (Бірінші	Қарыз алушы (кепілзат беруші): _____Т.А.Ә Жеке басты куәландыратын құжат
---	--

<p>Ломбард)» ЖШС Мекенжайы: ҚР, 050009, Алматы қ., Розыбакиев к-сі, 37-үй интернет-сайт: http: www.lombard.kz.</p> <p>_____ (қолы)</p>	<p>_____ (жеке куәлік/ ҚР азаматының төлқұжаты, тұруға ықтиярат)</p> <p>Тұратын мекенжайы: _____, № _____ Берілген күні _____, берген орган _____ Тіркелген мекенжайы _____,</p> <p>_____ (қолы)</p>
--	--